



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

S. Theodvlvs Confess. 2. Decemb.

---

[urn:nbn:de:hbz:466:1-62968](#)

2. Exemplo S. Eligii, principio tum diei, tum actio, nisi cujuslibet memineris, labore tuum offerre Deo, tuamque oblationem identidem renovare. Si quidam difficile, ac molestum occurrat, vince difficultatem, ac molestiam, ut honores ac imiteris Christum: finito labore, vide, in quo peccaveris, & veniam pete. Hanc si laborandi rationem tenueris, sanctitati & æternitati laborabis.

3. Noli multa complecti, nimius & nullus labor perinde nocent sanctitati; animus siquidem temporalium curis implicitus, multisque oppressus laboribus, nec tempus habet Deo, vacandi, nec eo, quo deberet, sensu pietatis cœlestia contemplatur. Alius hæreat menti tuæ, salutem, unum esse necessarium. Quo studio quæris Dominum! Quaris aurum & foriè cum volueris, non habebis; Deum, cum volueris, habebis. Aug

## S. THEODVLVS Confess.

2. Decemb.

*Mibi mundus crucifixus est, &  
ego mundo.* Paul. ad Galat. cap. 6.

**A**scenderat in id fastigium honorum Theodulus, ut Aula illum Theodosiana Præfectum salutaret. Verum his etiam altiora Virtus ambiit. Etenim quod aulæ technas & insidias probè perspectas haberet, ludos facere hanc vicissim voluit. Quare assensum omnem

omnem (Philippeorum millia quinque supra  
 quinquaginta) liberali sparsione in miseris  
 abjecit, ipse columnam Edeßæ ascendit, inde  
 Aulæ fastus, minas, pericula, omnia despectu-  
 rus. Ita mundo & sese altior respuit jam cum  
 homunculis prandere cœpitque cum Cæliti-  
 bus solâ Ambrosiâ, hoc est, Angelorum pane  
 deinceps vesci. Post annos sic traductos XXX.  
 cupido subiit scire eccuinam ex Dei amicis vi-  
 tæ meritis æquiparandus foret. Responsum  
 è cælo, Cornelio Mimo æquandum. Rubo-  
 rem expressit hoc Theodulo. Adiit tamen vi-  
 rum, & hæc denique sibi fateri coëgit: mimi-  
 cam artem à primis annis tractasse, nunc cùm  
 in mentem ultima illa nec ficta Mundi scena  
 venisset, serium se & frugi esse, nuperq; adeo,  
 ut pudori nescio cuius Matronæ unaque deco-  
 storis ejusdem viri, qui à creditoribus invin-  
 culis tenebatur, libertati consuleret, vestem  
 & supellectilem vendidisse & corrogatum in-  
 de quadringentorum aureorum assem alienæ  
 miseriæ donasse. Laudavit tam bene clausam  
 à Mimo fabulam Theodulus, & lætus iterum  
 concedit columnam suam, paulò post ex  
 hac in vicinum cælum transcendent.

*Ex Meneius.*

Z 4

MEDI-

## M E D I T A T I O.

*De contemptu mundi.*

1. **N**oli diligere mundum: caye, ne mortiferis ejus blanditiis capiaris. Auro fulgent, quæ præbet pocula atque mel spirant; verùm plena sunt veneno. Calix verò Christi videtur felle & aceto redundare, at plenus est melle suavissimo; mundus blandiendo necat, Deus affligendo salvat. Christiane? cœlo natus es, nec expleri potes mundanis delitiis. Quid differs vitæ tuæ mutationem? quid mundi nugis retineris? *Quid agis frater in seculo, qui major es mundo?* Hieron.

2. **N**oli timere mundum Ut amor, sic timor mundi avocat ab obsequio Dei. Stultescit mundus, & adversatur Deo. Si tantillo valeres animo, eum facile superares; quippe, cum eos duntaxat vincat, qui ignavioris sunt naturæ. Te unum, Domine, timebo, non enim mundus, aut ejus assec læ me judicaturi sunt, sed tu, Domine, tu, inquam, me judicaturus es, non ex mundi legibus, sed ex præceptis Evangelii.

3. **C**ontemne, calc pedibus fallacem mundum: facilis est is contemptus consideranti, quoties amplis promissis amicos suos quotidie ludat, & clamet, deficerse, nec parem esse humanis desideriis. Audi vocantem Jesum, qui veritas est. Mundus clamat, deficio: tu Domine, clamas reficio, & miseria mea magis sequitur deficientem, quam reficientem. Aug.

S. FRAN.